

寓意草注釋

悲端中丞敬集叶南
關外翻映廬間祖矩

茲集淺註四卷案後空白尚賴高明
指正詳加疏引以期有補斯世匡予不
逮則幸甚

二

東山主人謹識

序

昔聖人慮人心之病於邪淫也而
垂經訓典謨以端其趨向又慮人
身之病於疹癘也而闡靈樞玉版
以救其天傷皆所以憫其病而醫
之使即於無病乃已世謂醫心病

難醫身病易去身病之豈易言醫
哉自非通三才之宏奧晰諸家之
源流而歆察五聲六氣之微鮮有
能批郤導窾者矣岐黃之書詳於
義理而無方治漢長沙著傷寒論
脈證及方今列條辨為衆法之宗

主厥汝劉河間張子和李東垣朱
丹溪輩皆竭智殫精各抒卓見至
西昌喻氏嘉言探長沙之義蘊提
要鉤元足與劉張朱李相頡頏而
精確或過之所著醫門法律如論
篇行世其措諸实效者尤在寓意

仲一書恆運意精深每茫然未得
其解盱南謝君遜園少工帖括連
不得志於棘闈茲纘家學致力於
醫綜覽經史百家於喻氏寓意仲
尤往復不置爰叅攷經旨分類箋
釋之間引前人經驗之方與已所


得心之處踵附于篇末凡喻氏隱
而未發之旨悉挾以表著焉玄秋
予一家八口病者過半延之診治
賴以霍然以是心重遯園之學既
出是編相示乃歎其用功湛深無
惑乎收名獨遠矣夫醫不得其要

領以參著養人之品有時用以殺
人猶之治世靡當襲官禮以變法
卒悞蒼生傳古義以舞文徒恣刀
筆以至誣詭幻怪營便圖私之禍
天下者更無論也嗚乎古今人不
死於病而死於醫者豈可勝道哉

予少處岐黃家言既未洞窺其蘊
讀經訓典漢唐識修己治人之畧
洎一行作吏頻次轉餉司檣復事
權相左未獲一試其用子程子云
一命之士苟存心於愛物於人必
有所濟今遜園託業乃主濟人良

博視予倖膺一命礪々無補者生
利鈍何如也古人比良醫於良相
其所責望於醫者有燮理陰陽拯
扶瘡痍之任而世乃徒藉以罔利
沽名之醫學之大病也邈園恪承
先志懇々以濟世為心並出其所

得以公天下使天下知吾輩抱愛
物之懷無施不可醫學之病其庶
幾克瘳歟光緒庚辰重九前三日
西蜀鍾體志謹序



序



盱南謝氏代居泮灣其家
世寢大文章科第皆駸
有日起之勢而溯其先業實
以醫名世映廬先生其顯著

也令子遜園頗能繼其志向
者映廬先生著有得心集
予既為序以文矣今遜園又
復以所註寓意州一書促為發
其所以推闡是書之意是書

遜園蓋悉取喻氏寓意艸金
帙為之引伸其文旁通其義
字辭句疏以異彰明喻氏心
法間或踵其門類參附其尊
甫映廬先生得心集各案并

亦舉已所經驗行之著有成
效者分載于篇末以求共相
發明而大有裨益則遜園是
書之活人亦猶尊甫先生得心
集之濟世而尤能使寓意

一書新天下後世之耳目以垂
無窮而傳不朽遜園以予為
知醫手是書相與校訂竝
乞為之序是不可無一言以
復遜園

光緒四年歲在戊寅七月
既虫緯谷趙承恩序於
雙湖學舍

